



ԼԵԶՎԻ ԴԱՍԸՆԹԱՑ

(90 օրից ավել տևողությամբ, միայն Գերմանիայի համար)

Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես պայմանավորվածություն ձեռք բերել: Պայմանավորվածություն կարող եք ձեռք բերել միայն առցանց (օնլայն):

Օնլայն-հերթագրման համակարգ կարող եք մուտք գործել դեսպանության կայքէջի միջոցով.
www.eriwan.diplo.de

Փաստաթղթերն ընդունելուց հետո գործերի քննության և մշակման համար պահանջվում է առնվազն **4-16 շաբաթ** (կախված է Գերմանիայում գործի քննման ժամկետից): Առանձին դեպքերում կարող է տևել ավելի երկար:

Հայաստանի քաղաքացիների համար այցագրի վճարը կազմում է 75 եվրո: **Այն պետք է մուծել փաստաթղթերը հանձնելիս՝ համարժեք ՀՀ դրամով:**

Դիմումի փաստաթղթերը

Դիմում հանձնելիս անհրաժեշտ է **անձամբ** ներկայացնել ստորև նշված փաստաթղթերը: Սկզբունքորեն բոլոր փաստաթղթերը պետք է ներկայացնել **բնօրինակով**, յուրաքանչյուրից նաև՝ **երկուական պատճեն:**

Խնդրում ենք ուշադրություն դարձնել, որ փաստաթղթերը պատուհանի մոտ պետք է հանձնել **երկու նույնական փաթեթով** (յուրաքանչյուր փաթեթը սկսվում է դիմում-հարցաթերթիկով և պարունակում ստորև թվարկված փաստաթղթերի պատճենները)՝ դասավորելով նշված հերթականությամբ:

Բոլոր փաստաթղթերը (հատկապես անձնագրի պատճենները) անհրաժեշտ է ներկայացնել **A4 ֆորմատի** թղթի վրա: Խնդրում ենք թղթերը **չկարել, չամրացնել:** Դեսպանությանը հասցեագրված ֆաքսերը կամ գրությունները չեն տեսակավորվում և չեն կցվում գործերին: Ոչ լիարժեք դիմումներ չեն ընդունվում:

Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար:

Դեսպանությունը նշում է, որ համաձայն Կացության մասին օրենքի §82–ի դիմում ներկայացնողը պարտավոր է ապահովել դիմումի լիարժեքությունը, որևէ փաստաթղթի բացակայության դեպքում դեսպանությունը համարում է, որ այն չի կարող ներկայացվել:

Անհրաժեշտ փաստաթղթեր

- գերմաներենով կամ անգլերենով, **լիարժեք լրացրած 2** դիմում-հարցաթերթիկ: Այն կարող եք գտնել մեր ինտերնետային էջում՝ <https://videx-national.diplo.de>
- 3 նոր, բիումետրիկ լուսանկար, երկուսը խնդրում ենք ստանձել դիմում-հարցաթերթիկին

- գործող ճամփորդական անձնագիր՝ ՀՀ էլքի կնիքով, վավերական ամենաքիչը 6 ամիս: (Անձնագրում պետք է լինի առնվազն երկու դատարկ էջ, իսկ վավերականության ժամկետը չպետք է գերազանցի 10 տարին)
- անձնագրի այն էջերի պատճենները, որտեղ առկա է կնիք, այցագիր կամ որևէ այլ նշում (2 օրինակ)
- ստորագրված հայտարարություն կեղծ տվյալների վերաբերյալ (տե՛ս դիմում-հարցաթերթիկը)
- հաստատում այն մասին, որ լեզվի դպրոցում գրանցված եք ինտենսիվ դասընթացներին մասնակցելու համար: Հաստատման մեջ դիմողի տվյալներից բացի պետք է նշվի շաբաթական դասերի քանակը: Լեզվի դպրոցը պետք է հաստատի, որ դասընթացի գումարը վճարված է (2 օրինակից)
- գրավոր հիմնավորում՝ պլանավորած դասընթացի (նաև լեզվի դպրոցի ընտրության), հետագա մասնագիտական հետագա պլանների վերաբերյալ, ինչպես նաև տեղեկություններ մինչ այդ լեզվի դասընթացին նախապատրաստվելու մասին, օր.՝ Հայաստանում գերմաներեն սովորելու վերաբերյալ տվյալներ: (2 օրինակից, գերմաներենով կամ անգլերենով)
- կրթության, ինչպես նաև գործունեության վերաբերյալ մանրամասն ինքնակենսագրություն՝ առանց բացթողումների, գերմաներենով կամ անգլերենով
- փաստաթղթեր նախկին և ներկայիս գործունեության/որակավորման վերաբերյալ (ուսանողական գրքույկ, ավարտական դիպլոմներ, աշխատանքայինի գրքույկ), կա՛մ գերմաներենով կա՛մ անգլերենով կամ թարգմանությամբ, 2օրինակից
- ապացույց ուսման ընթացքում ֆինանսապես ապահովված լինելու վերաբերյալ
 - ա) Գերմանիայում բնակվող որևէ հովանավորի կողմից իրականացվող ֆինանսավորման դեպքում անհրաժեշտ է ներկայացնել հովանավորի ֆինանսական դրության մասին համապատասխան նշումով հրավեր-պարտավորագիր՝ կացության մասին օրենքի §§66-68 համաձայն, ուսման ամբողջ ժամանակահատվածի համար:

կամ՝

- բ) ինքնաֆինանսավորման դեպքում անհրաժեշտ է, որ դիմողն իր անունով Գերմանիայում, գերմանական որևէ բանկում ունենա արգելափակված հաշվեհամար՝ առնվազն 11.364,- եվրո գումարով:

Վիզայի համար դիմելիս ապրուստի միջոցների մասին սրպես ապացույց կարող եք ներկայացնել արգելափակված հաշիվ: Դուք ազատ եք տվյալ ծառայությունը մատուցող ընկերության ընտրության հարցում:

Կարևոր ցուցումներ

Ձեր ուշադրությունն ենք հրավիրում այն հանգամանքի վրա, որ **դեսպանության շենքում հյուպատոսական բաժնի պատուհանի մոտ** գանձվող այցագրի վճարից բացի այցագրի համար դիմելիս այլ վճար նախատեսված չէ:

Դեսպանությունը **չի համագործակցում** որևէ տուրիստական ընկերության հետ: Դա **վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին**: Ճամփորդական կամ այլ ծառայություններ մատուցող

գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:

Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում փող մի՛ վճարեք:

Այցագրի հետ կապված հարցերի մասին արժանահավատ տեղեկություններ Դուք կարող եք անվճար ստանալ դեսպանության հյուպատոսական բաժնի աշխատակիցներից: Այլ անձինք տեղեկություններ տրամադրելու իրավասություն չունեն: